

Broj: 01-04-6-04425-3/2020
Sarajevo, 12.11.2020. godine

Na osnovu čl. 69. st. (1) tačka b) i st. (2) tačka e). čl. 70. st. (1), (4) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), nakon razmatranja preporuke Komisije za javne nabavke broj 01-04-6-04425-2/2020 od 11.11.2020. godine, Direktor Federalne uprave za inspeksijske poslove, d o n o s i

O D L U K U

o poništenju otvorenog postupka za nabavku usluga zbrinjavanja na okolišno prihvatljiv način 414 tona neopasnog otpada ključnog broja: 19 12 08 – tekstil

I

Poništava se otvoreni postupak nabavke usluga zbrinjavanja na okolišno prihvatljiv način 414 tona neopasnog otpada ključnog broja: 19 12 08 - tekstil, za koji je obavještenje objavljeno na portalu javnih nabavki BiH dana 16.10.2020. godine broj obavještenja 1292-1-2-19-3-14/20, a dana 23.10.2020. godine u Službenom glasniku BiH broj 67/20 iz razloga što je cijena prihvatljive ponude znatno veća od procijenjene vrijednosti.

II

Ova odluka će se u skladu sa odredbom člana 70. st. (6) Zakona o javnim nabavkama Bosne i Hercegovine objaviti na web stranici Federalne uprave za inspeksijske poslove..

III

Ova odluka stupa na snagu danom donošenja.

O b r a z l o ž e n j e

Otvoreni postupak javne nabavke usluga zbrinjavanja na okolišno prihvatljiv način 414 tona neopasnog otpada ključnog broja: 19 12 08 - tekstil pokrenuta je Odlukom o pokretanju postupka javne nabavke broj 01-04-6-04425/2020 od 24.9.2020. godine.

Nabavka predmetnih usluga nije predviđena Planom nabavki Federalne uprave za inspeksijske poslove za 2020. godinu, a novčana sredstva za realizaciju nabavke će biti obezbjeđena od strane Fonda za zaštitu okoliša Federacije BiH, shodno tački 2. Zaključka Vlade Federacije Bosne i Hercegovine V. broj: 1123/2020 od 28.8.2020. godine.

Dana 16.10.2020. godine na portalu javnih nabavki BiH je objavljeno obavještenje o nabavci predmetnih usluga, broj obavještenja 1292-1-2-19-3-14/20, a dana 23.10.2020. godine u Službenom glasniku BiH broj 67/20 objavljen je sažetak obavještenja o javnoj nabavci.

Javno otvaranje ponuda je izvršeno od strane komisije za javne nabavke dana 9.11.2020. godine, te je tom prilikom konstatovano da je u ostavljenom roku pristigla jedna ponuda, dok neblagovremenih ponuda nije bilo. Komisija za javne nabavke je izvršila otvaranje jedine ponude koju je dostavilo pravno lice „Kemis BH“ d.o.o. Puračić Lukavac, te je tom prilikom u zapisniku sa otvaranja ponuda konstatovano da

je navedeno pravno lice tražene usluge ponudilo po ukupnoj cijeni od 165.600,00 KM, bez uračunatog PDV-a. Zapisnik sa otvaranja ponuda je odmah putem pošte upućen na adresu navedenog ponuđača. Komisija je dana 11.9.2020. godine izvršila evaluaciju pristigle ponude, te je tom prilikom konstatovano da je ponuđač „Kemis BH“ d.o.o. Puračić Lukavac dostavio kompletnu traženu dokumentaciju, te da je ista propisno popunjena, potpisana i ovjerena shodno zahtjevima tenderske dokumentacije. Obzirom da je u ostavljenom roku pristigla samo jedna ponuda, e-aukcija se nije mogla zakazati shodno odredbi člana 3. stav (3) Pravilnika o uslovima i načinu korištenja e-aukcije.

U daljem toku postupka komisija je razmatrala dostavljenu ponudu sa aspekta ponuđene cijene, te je tom prilikom konstatovala da je ista značajno veća od procijenjene vrijednosti nabavke Isto tako, Komisija je imala u vidu i činjenicu da je u postupku bilo predviđeno provođenje e-aukcije i da je slijedom navedenog realno bilo za očekivati da će ponuđači koji budu učestvovali u postupku e-aukcije sniziti svoje početne cijene ponude. Obzirom da je ponudu dostavio samo jedan ponuđač, nisu bili ispunjeni uvjeti za provođenje postupka e-aukcije.

Imajući u vidu naprijed navedeno, članovi komisije su zauzeli jednoglasan stav da je postupak javne nabavke potrebno poništiti, te je u tom smislu direktoru uprave dostavila preporuku broj 01-04-6-04425-2/2020 od 11.11.2020. godine da u ime ugovornog organa donese odluku kojom će poništiti otvoreni postupak nabavke predmetnih usluga.

U dostavljenoj preporuci komisija se referirala i na odredbu člana 69. stav (2) tačka e) Zakona o javnim nabavkama BiH kojom je propisana obaveza ugovornog organa da poništi postupak javne nabavke u situaciji kada su cijene ponuda značajno veće od procijenjene vrijednosti nabavke.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



Dostaviti:

1. „Kemis BH“ d.o.o. Puračić Lukavac, Purče bosanskog bb, 75305 Puračić Lukavac
2. Sektor za materijalno-finansijske poslove;
3. Sektor za tehničku podršku i plansko-analitičke poslove;
4. Komisija za javne nabavke (a/a).